


SASKIBALOIA



Hakeem Olajuwon.

Houston, Lakers, Phoenix eta Portland galtzaile euren kantuan

NEW YORK

Ezuste askotxo izan zen atzoko jardunaldian, Houston Rockets, Los Angeles Lakers, Phoenix Suns eta Portland Trail Blazers bezalako talde indartsuek galdu egin baitzuten beraien kantuan.

Houston izan da azkeneko hilabetearen sasoian hoberenean azaldu den taldea. Azken bi partiduetan, baina, galdu egin ditu. Bat igandean Portland-en, bestea atzotxean Seattle Supersonics-en aurka (89-100). Seattle-ren aldetik onenak Gary Payton jaurtikitzaile trebea eta Ricky Pierce eskolta izan ziren 27 eta 24 punturekin. Houstonen, nola ez, Hakeem Olajuwon pibota 32 puntu eta 14 erreboterekin.

Lakersek ere porrot egin zuen etxean, Detroit-en aurka hain zuzen. Partidua bukaera arte berdinduta joan zen. Orduan Detroitetako Joe Dumars eskoltak izugarri jokatu zuen, azken lau minutuetan 11 puntu sartuaz (orotara 17). Bere taldekide Dennis Rodman-ek 9 puntu sartu zituen, baina 21 errebote harrapatu. Lakersen apartena Vlade Divac —a zer hilabetea egiten ari den!— 28 puntu eta 12 erreboterekin.

Sekulako belarrondokoa eman zion Indiana Pacers-ek egun liderra den Phoenix taldeari. Barkley eta bereak lo hartzen ari direla dirudi. Portland ere ez dabil, bada, ederki aspaldian. Atzo ere porrot etxean Boston Celtics-en aurka (104-106). Azkeneko segunduan sartu zuen Bostoneko Sherman Douglas baseak garai-peneko saskiratzea.

EMAITZAK

New York	115	San Antonio	96
New Jersey	106	Dallas	84
Minnesota	95	Charlotte	99
Houston	89	Seattle	100
Phoenix	108	Indiana	109
Lakers	101	Detroit	106
Portland	105	Boston	106

TXIRRINDULARITZA

Baldatok ustegabeko garaipena lortu zuen Setmanako lehen etapan

G.B. taldeko txirrindulariak ez zuen arazorik izan esprinean

Baldatok, Chioccioliren taldeko txirrindulariak, irabazi zuen atzo Calafell eta Segur artean jokatu zen Setmana Catalana izeneko lasterketaren aurreneko etapa. Italiarrak nagusitasun osoz irabazi zuen esprina eta Adriano Baffi eta Laurent Jalaberten aurretik sartu zen helmugan, maillot horia jantziz gainera.

RAMON BASALDUA / BILBO

Trenbideak zer ikusi handia izan zuen atzo korrituriko etapan. 24 txirrindularik bi minutuko alde hartu zioten tropel nagusiari baina helmugarako 47 kilometro inguru geratzen zirenean, trena agertu zen eta aurreko tropela geratu egin zen. Trena pasa eta 24 gizonak berriro lasterketari ekin ziotenean, tropel nagusia segundu gutxi batzuetara zegoen eta kilometro batzuk beranduago irentsi egin zituen aurretik zihozten gizonak.

80. kilometroan zegoen La Musara lehen mailako mendatea igotzerakoan, lasterketa hasieratik batera zetorren tropela desginda gelditu zen. Pedro Delgado, Melchor Mauri, Eduardo Chozas, Murgialdai, Gaston, Hampsten, Ampler eta Giovannetti ziren aurreko tropelean geratu ziren gizon aipagarrienak. Hala ere, esan bezala, bi minutuko alde zutenean trena agertu



Jalabertek hirugarren postua baino ez zuen lortzerik izan.

GILLENEA

zen eta bertan behera geratu zen ihesaldia.

Hortik aurrera ihesaldi saio batzuk egon ziren arren, tropela oso-osorik heldu zen helmugara. Motorola taldeko gizonak lan handia egin zuten arren, G.B. taldeko Baldato izan zen garaipena eskuratu zuena. Jean Paul Van

Poppelek salto egin zuen arren ezinean geratu zen Baldato, Baffi eta Jalaberten aurrean. Gaurko etapan, orde, italiarrak maillot horia gal lezake La Comella lehen mailako mendatea igo beharko baitute. Esan bezala, ustegabeko garaipena Setmana Catalanaren estreinu.

RUGBYA

Getxo taldeak etxean jokatu du aurtengo finaleko azken partidua

KOLDO ALDUNTZIN / DONOSTIA

Astebeteko lasaialdia izango du Xerox Getxok finalaren aurrean. Igandeko garaipenarekin (43-3 Mercabarna BUC-en kontra), Liceo Francesen aurkako finalean itzuliko partidua Faduran jokatzeko ziurtatu du. Garrantzi eta konprometuz handiko apustua zeukaten getxotarrek kataluniarren aurrean. Ezin zuen huts egin eta erraz nagusitu ziren BUC-en aurrean hasieratik. Eraso aukera gehienak aprobetxatu zituzten etxekoek eta horrela, Aurrek lortu zuen lehen entseia 3. minutuan. Gero, beste bi entseiu egin zituzten Etxebarriak eta Azkargotak. Horrela, 19-0 iritsi ziren atsedenera, kataluniarrek arazo larriarik sortu gabe.

Bigarren zatian lasaia aritu ziren etxekoak, alde areagotuz. Markagailua erabat erabakia zuteko, Etxebarriaren 2. entseia. Hortik aurrera, neurketa amaitzea zen helburu ahalik eta azkarraren. Orain, datorren asteko neurketa prestatu behar Liceo bezalako talde korapilatsuari aurre egiteko.

GERNIKAK LEHEN GARAIPENA

Gernikak denboraldiko lehen garaipena lortu zuen azken jardunaldian (10-19 Montjuicen kontra). Garaipenak ez du ezertarako balio izan sailkapenari begira, baina Liga 0 puntuz amaitzea lotsagarria zen. Bi puntu hauek bere balioa dute moraliki play off-ari ekiteko. Gainera, azken garaipena talde eta leku be-

rean lortu zuen. Zoritzarrez, Mercabarnaren aurkako jaitzierako play off-a Urbietan hasiko da, eta 2. partidua Bartzelonan izango da.

ORDIZIAK ADIO ESAN DIO PLAY OFFARI

Ordiziak itxaropen guztiak galdu zituen Bartzelonan, Hospitaleten kontra 13-13 berdinduz. Ez zeukan beraz, Irun eta Alcobendasen arteko emaitzari itxaron beharrik. Baja dextente eraman zuten goieritarrek. Bestalde, Irunek 19-30 galdu zuen Alcobendasen kontra, play off-etarako postua zutelarik hauek jokoan. Gaztedik berriz, 3. garaipena lortu zuen Cornellaren kontra (20-21). Gaztedik Independiente taldea izango du arerio kanporaketetan.

ATLETISMOA



Khalid Skah.

Skah Zornotzan izango dela dio Marokkoko Federazioak

Marokkoko hiriburua den Rabat-eko 'Le Matin' egunkariak atzoko alean Khalid Skah atletak Zornotzako Munduko Kros Txapelketan ez dela izango ziurtatu zuen, Marokkoko Atletismo Federazioarekin arazoak dituelako. Berri hau jakin bezain laster, Federazioak berria gezurtatu egin zuen, atleta Zornotzan korritzeko selekzioan dagoela esanez.

'Le Matin-ek' zera zioen, Skah atletak Federazioa mehatxatu zuela esanez Bartzelonako Joko Olinpikoetako 10.000 metroko urrea irabazteagatik dirurik ez badu jasotzen goi mailako konpetizioetan boikota egingo direla. Skah-k Toronton (Kanada) izan diren aterpeko Mundialetan ez dabilen hartzu arrazoi horregatik.

Federazioak, baina, arazo ekonomikoak konpondu direla esan du eta datorren igandean Mundialean parte hartuko duela ziurtatu. Bestalde, Kanadako gizonetako eta emakumezkoetako txapeldun izan diren Richard Charette eta Lucy Smith-ek baiezkoa eman dute eta Zornotzan izango dira. Alemaniako partaide arruntak etorriko dira Suitzak Andrea Erni eta Arnold Machler-en izenak eman dituzten beste. Portugaletik, neketa titulua irabaz dezakeen Albertina Dias etorriko da. 90ko txapeldunordea izan zen eta jai-hirugarrena.

KRABBE KASUA HURRENGO ASTEAN ERABAKIKO DA

Katrin Krabbe alemaniarren kasuaren erabakia hurrengo astean hartuko da. Alemaniako Federazioko hiru kide diren elkartzekoak honetaz hitz egiteko. Erabakia idatziz emango da 'klenbuterol' hartzeagatik gortua dagoen Krabberi. Bietararte, Alemaniako prentsa bitartean, Alemaniako prentsa lerro asko eskaini dizkio afera honi eta apustuak ere egiten dira: «2-1 Krabberen alde edo kontra», diote.